

欽定臺規

二

欽定臺規卷三

訓典三

聖諭

乾隆元年奉

上諭國家設科道官原以發抒忠悃隨時獻替爲專職而進諫之道莫大乎繩愆糾繆上佐君德其規切用人行政指陳吏治民生者次之此古名臣之所以志在格君而嘉猷碩畫有造於國是民依也朕近敬閱世祖章皇帝實錄見當時言官奏疏尙有骨鯁謇諤之

風竟能直指君德之得失而不顧一己利害之私朕輒改容誦之以爲我朝人物挺生忠良之佐匪躬之節未嘗遠遜古人也朕御極以來求言之詔屢下而司諫之臣從未聞有忠言讜論可藉以爲啟沃之助者計其封章條奏不過撫拾細事苟且塞責而已卽欲求其切中政體痛斥官方之言尙不可得何論上及朕躬塞違昭德以盡納誨之實乎夫朕之一身豈能保無闕失正賴廷臣直言匡正以襄不逮卽云大德不踰而日理萬幾或發號施令之失其宜或慶賞

刑威之過其則、或進退黜陟之乖其分、或輕重緩急之爽其衡、皆朕所不能自信者、乃朕誠心求之、而諸臣不以誠心應之、則諸臣不能辭曠職之咎也、繼自今大臣及科道等官、務以古處自期、各矢忠藎、爲上爲德、爲下爲民、悉盡言無隱、以修臣職、以繼芳蹤、毋使先正氣骨、獨自擅美於前、庶稱朕拳拳冀望之心、至本朝定鼎以來、從前臣工章疏、有忠讜剴切卓然可傳者、著內閣、翰林院、派員精選、進呈刊刻、以垂示將來、俾後進奉爲模楷、其入選章疏、諸臣內、查有素

行端純、完名全節者、准入祀賢良祠、用昭朕崇禮直臣、風勵百僚之意。○又奉

上諭、朕卽位以來、屢下求言之詔、至再至三、出於誠切、並非尙納諫之虛文、誠以朕躬闕失、無由自知、必賴直言匡正、而隨時訥誨者、乃臣子之大義、胸有所見、卽當直陳、使言之果當、朕當卽改易、可收轉圜之益、言之不當、朕亦得以己意明白剖示、釋其疑心、亦開誠布公之道也、惟是公私之辨、不可不嚴、儻有藉直諫之名、以自行其私、妄冀惑亂朕聽、亦斷不能逃朕

之洞鑒也。○又奉

上諭從來言官陋習相沿、多由迎合、若人主意在綜覈、率刻意吹毛求疵、巧避瞻徇之迹、而置君德於不問、若人主意在樂聞已過、則往往於朝廷之政事、吏治之得失、不一言及、甚有臣工不能靖共、羣僚或植黨援、曾不敢一指摘、以遠嫌避害、惟事撝拾陳言、以自沽能、正君心之名、是其居心之陰巧、乃國家之大蠹也、朕孜孜求治、常恐不及、使偶有闕失、言官果能切實指陳、朕自樂爲聽受、卽大臣中或有過眚、果能據

實彈劾亦足爲用人鑒戒若徒勦襲膚辭則史冊具在盡足披覽何用伊等喋喋陳奏乎儻錯會朕意轉生畏憚之念則又不知朕推誠布公之心者也○二年奉

上諭日來廷臣奏事甚稀科道官亦少所建白得無謂天久不雨朕心憂惻恐重以煩朕以是爲愛君耶陽愆陰伏正宜君臣交警恐懼修省勤思治道不敢少自暇逸以仰邀

天鑒若以是爲愛君非朕所樂受亦非古賢臣所以愛

君之道也。總理事務處及九卿八旗所有應辦應奏諸務各當悉心體國、日夜孜孜、科道官於民生之疾苦、時政之得失、尤當直陳不諱、俾朕得察納善言、釐清庶務、以踐民

天憫民之實事。儻因循緘默、懈事廢時、不獨非愛君之道、且將重朕不德。豈朕之所望於諸臣、亦豈爾諸臣厚於自待之道歟。其咸喻朕意、毋忽。○又奉

上諭、國家設立科道官員、專司建言之責、必心本無私、又能通達治理、乃爲無忝厥職。若識見雖未明通、而

居心樸誠則其言雖愚戇而尙無害於事理朕亦鑒其忱悃而優容之惟胸懷愛憎之私借章奏以展其巧詐者則有玷臺垣國法不可以輕恕卽如並未深悉地方民情而奏稱某地某事甚善而承辦之人已暗受其推薦奏稱某地某事不善而承辦之人已隱受其中傷是其敷陳之時並未據實秉公匡襄政務而言在於此意注於彼其居心尙可問乎看來近日科道中此等習氣頗不能免亦難逃朕之洞鑒今年毛城舖一案卽其明驗也朕所以勅部糾察而復寬

恕者、特以伊等職在言官、過爲初次、然寬大之恩、不可屢邀、而獻納之實、所當躬踐、卽如前日御門、御史謝濟世露章、奏九卿刑部秋審不公、其意本於攄誠、尙近於愚、慙一流、而非出於愛憎之私者、此事交總理事務王大臣查奏、卽使所奏非當、朕亦取其慙直、斷不以所言未協、輒加斥責也、其餘科道官員、當捫心自問、如稍有愛憎之私、未泯於中者、各宜猛省、悛改、毋蹈罪戾、○三年、奉

上諭、人君宅中出治、建極綏民、自有千古不易之理、萬

年一定之經、以爲敷政甯人之本、至於政務之日陳、
於前、亦惟物來順應、初無成見成心、若豫立意見於
事先、則寬嚴賞罰之間、必有不得其平者矣、人臣事
君、於事之是非可否、一當以理爲準、若存揣摩迎合
之念、妄希有當上意而不顧事理、當然之則、則偏陂
輕重之弊、不可勝數矣、數年以來、朕屢以此訓戒臣
工、而無如積習已深、猝難變化、卽如朕於當寬之事、
降一寬恤之旨、而諸臣遂以爲朕意在寬、凡所辦理
所條奏之事、悉趨於寬之一路矣、朕於當嚴之事、降

一嚴厲之旨、而諸臣遂以爲朕意在嚴、凡所辦理所
條奏之事、悉趨於嚴之一路矣、且有今日之號令甫
頒、而明日摹擬旋至、一人未改面貌、兩事迥異先後、
人心不古、何至於茲、夫朕本無心、而臣工視爲有意、
朕以公心出之、而臣工以私心測之、所謂差之毫釐、
謬以千里、豈朕之所望於諸臣者哉、卽朕已經降旨
施行之事、儻有幾微未協、猶當據理直陳、不難收回、
成命、如此方不愧獻可替否之義、朕自嘉獎重待之、
豈可徇流俗之見、懷觀望之心、揣度意旨、以爲容悅、

而適爲朕之所輕鄙哉、用是再頒諭旨、願內外諸臣
各矢惓忱、屏除舊習、以贊成國家蕩平正直之治、特
諭○又奉

上諭、朕令科道條陳事件、原許各陳所見、以裨政治、惟
所陳奏不能盡合機宜、且往往有揣摩朕意、有心迎
合者、此等固不足採、但伊等職司言路、條陳旣多、其
中豈無可行之事、朕勅交九卿會議、爾等自宜虛公
斟酌、不可少有偏執○五年、奉

上諭、今年春間雨澤尙屬調勻、自四月以來漸覺愆期、

昨雖得微雨、仍未霑足、若再遲至旬日之後、便成旱象、二麥收成必至有減分數、著禮部虔誠祈禱、朕因近日少雨、宵旰焦勞、無時或釋、屢向大學士等咨詢籌畫、感召天和、惠濟閭閻之道、今日特召爾九卿等、面降諭旨、朕之念切憂勤、無非爲百姓起見、蓋以百姓皆朕之赤子也、君臣一體、朕之赤子獨非諸大臣之赤子乎、儻或年歲歉收、朕與諸大臣官員、豈至有饑餒之患、而百姓饔飧不給、嗷嗷待哺、是猶爲父母者、宴然飽餐、而聽其子之啼於側、於心忍乎、此數日

中得邀

上天慈恩、甘霖大霈、自可仍望豐收、設或竟成亢旱、則當豫爲未雨綢繆之計、凡有可以裨益閭閻者、爾等悉心籌議、及時料理、庶幾有備無患、朕御極五年以來、畿輔之地、雨暘不能時、若上年秋成、稍覺豐稔、今歲春初、頻得時雨、朕心方爲慶慰、不意目下又有旱象、朕於用人行政之間、返躬自省、仰承

上天眷顧之隆、

皇考付託之重、兢兢業業、不敢有負、此朕心可以自信

者然一日萬幾不敢信爲一無闕失也卽大學士等預參機務隨朕辦事又豈能保其一無過愆人苦不自知見人之過易見己之過難如鏡之能照物而不能自照也爾等現居九卿之列皆爲朕之股肱儻政事或有失於寬縱及失於嚴刻之處爾等宜平心細想有應入告者或聯銜具奏或各抒所見據實直陳務期於國計民生實有裨益儻撫拾虛詞以用人行政爲無可置議或揆索瑣事苟且塞責皆非朕所諄諄期望於爾等者夫朋友之間尙有規勸之義况我

君臣誼關一體者乎、至科道爲朝廷耳目之官、朕廣
開言路、獎勵多方、並令翰林院、郎中、叅領等官、皆得
建言、原冀有裨國是、乃數年中、條奏雖多、非猥瑣陋
見、卽勦襲陳言、求其見諸施行、能收實效者、爲何事
乎、近日卽科道官敷奏者、亦屬寥寥、卽間有條陳、多
無可採、卽如官福、叅奏工部一事、有意苛求、皆係空
中樓閣、毫無實據、朕不准行、降旨申飭、如此者、謂之
不開言路可乎、部院奏事、近日亦覺簡少、或因朕躬
欠安之後、尙須調養、有意減省、遲延耶、雖現在事務